

---

# AKADEMIO INTERNACIA DE LA SCIENCOJ (AIS) San Marino

*Jura sidejo: Respubliko de San Marino, C.P. 111, RSM-47031 San Marino Città*

---

# P R O G R A M O

de la **DEKSESA SANMARINECA  
UNIVERSITATA STUDADSESIO**

## SUS 16

### en Prago

1996.07.21 — 30 / 1695 pFR

.....

Sedicesima Sessione Universitaria Sanmarinese (SUS 16)  
dell'Accademia Internazionale delle Scienze (AIS) San Marino.

Sixteenth Sanmarinian University Session (SUS 16)  
of International Academy of Sciences (AIS) San Marino.

Sechzehnte Sanmarinesische Universitäre Studientagung (SUS 16)  
der Internationalen Akademie der Wissenschaften (AIS) San Marino.

Sixième Séance Universitaire Sanmarinienne (SUS 16)  
de l'Académie Internationale des Sciences (AIS) San Marino.

**La laborlingvoj de SUS 16 estos** ♦ Le lingue di lavoro di SUS 16 sono ♦ Die Arbeitssprachen von SUS 16 sind ♦ The working languages of SUS 16 will be ♦ Les langues de travail de SUS 16 seront ♦ Pracovní jazyky SUS 16 budou:

**la Internacia Lingvo (ILO)** ♦ e le lingue etniche ufficiali dell' AIS ♦ und die ethnischen offiziellen Sprachen der AIS ♦ and the ethnic official languages of AIS ♦ et les langues ethniques officielles de l'AIS ♦ a etnické oficiální jazyky AIS:

Italiano — Deutsch — English — Français — Čeština

## Sekcioj kaj fakaroj de AIS

### Kibernetiko (1. sekcio)

#### Fakaro 1.1: *Antropokibernetiko*

Fakoj: psikokibernetiko, lingvokibernetiko, klerigkibernetiko, kibernetikaj komunikada kaj dokumentada sciencoj, socikibernetiko, ekonomikibernetiko k.a.

#### Fakaro 1.2: *Ĝenerala kibernetiko*

Fakoj: teorio de informacio kaj kodigo, teorioj de algoritmoj, logikaj ŝaltretoj, abstraktaj aŭtomatoj kaj adaptivaj (celorientitaj) sistemoj, teoria informadiko, komputil-arkitekturo, ĝenerala teorio de retrokoplado kaj reguligo, teorio de strategiaj ludoj k.a.

#### Fakaro 1.3: *Inĝeniera kibernetiko*

Fakoj: (Maŝina aŭ) Inĝeniera Kibernetiko (teknologioj de telekomunikado, de informstorado, de reguligo, de komputiloj kaj de aŭtomacio, aplikata informadiko k.a.)

#### Fakaro 1.4: *Biokibernetiko*

Fakoj: genetiko, neŭrofiziologio, teorio de retrokoplado en organismoj, kibernetika medicino, komunikado kaj konduto de bestoj k.a.

### Humanistiko (2. sekcio)

#### Fakaro 2.1: *Bazaj neparametraj antroposciencoj*

Fakoj: neparametraj psikologio, lingvistiko, klerigscienco, komunikada kaj dokumentada sciencoj

#### Fakaro 2.2: *Soci-sciencoj neparametraj*

Fakoj: Neparametraj pedagogio, administraci-scienco, sociologio, ekonomiko, etnologio, jurscienco, politologio k.a.

#### Fakaro 2.3: *Artsciencoj neparametraj*

Fakoj: muzikologio kaj muzikhistorio, estetiko kaj historio de la porvidaj artoj, literaturscienco (speciale beletriko), estetiko kaj historio de la scenejaj artoj k.a.

#### Fakaro 2.4: *Integraj kultursciencoj*

Fakoj: etnologio, socigeografio, kulturgeografio, kompara religi-scienco, religihistorio, ekonomi-historio, ĝenerala historio, bibliotekscienco k.a.

### Struktursciencoj (3. sekcio)

#### Fakaro 3.1: *Pensadstruktursciencoj*

Fakoj: simbola logiko, teorio de (precizaj, malprecizaj) aroj, ĝenerala aksiomatiko, aritmetiko, nombroteorio, probablokalkulo, matematika statistiko, matematik-didaktiko k.a.

#### Fakaro 3.2: *Imagadstruktursciencoj*

Fakoj: geometrio, kinematiko, ĝenerala sistemiko k.a.

#### Fakaro 3.3: *Formalaj matematikaj sciencoj*

Fakoj: algebro, teorio de serioj, funkcioj, ekvacioj, distribucioj ktp., kalkuloj de vektoroj, matricoj, diferencaloj, integraloj, ĝenerala strukturteorio k.a.

### Filozofio (4. sekcio)

#### Fakaro 4.1: *Filozofiaj bazosciencoj*

Fakoj: filozofia logiko, ontologio, semiotiko, ĝenerala modelteorio, epistemologio k.a.

#### Fakaro 4.2: *Filozofiaj valorteorioj*

Fakoj: filozofia estetiko, aksiologio, moralfilozofio, jurfilozofio, ŝtatfilozofio k.a.

#### Fakaro 4.3: *Metosciencoj*

Fakoj: historioj kaj filozofioj de la unuopaj sciencoj kaj sciencobranĉoj, idehistorio, historio de la filozofio, historio de la unuopaj sciencoj k.a.

### Natursciencoj (5. sekcio)

#### Fakaro 5.1: *Substancikoj*

Fakoj: fiziko, fizikaj teknologioj (konstruktado, mekanika teknologio, elektroteknologio, maŝinkonstruado), kemio, kemiaj teknologioj.

#### Fakaro 5.2: *Mondikoj*

Fakoj: geosciencoj kaj astrosciencoj (astronomio, meteorologio, geodezio, naturgeografio, geologio, paleontologio k.a.)

#### Fakaro 5.3: *Biosciencoj*

Fakoj: ĝenerala biologio, biometrio, botaniko, zoologio, klasika (t.e. bio-)ekologio, humanbiologio, medicino, farmacio, nutradscienco k.a.

### Morfosciencoj (6. sekcio) (teorioj kaj teknologioj de homa ĉirkaŭaĵo)

#### Fakaro 6.1: *Aŭlvidaj formkreado kaj dokumentado*

Fakoj: sonstudioteknologio, grafika teknologio, sportscienco, filmstudioteknologio, sciencaj fotado, filmado, surbendigo ktp., muzeologio, parolteknologio, retoriko k.a.

#### Fakaro 6.2: *Ilar-morfologio*

Fakoj: ergonomiko, formigo de industriaj produktoj, laborformteknologio, formigo de laborlokoj k.a.

#### Fakaro 6.3: *Mediplanado*

Fakoj: arkitekturo, ĝardenformigo, agronomio, urba kaj regia planadoj, trafikplanado, ĝeneraligita (homo-natur-)ekologio, turismiko k.a.

## Programo de la 16-a Sanmarineca Universitata Studadsesio de la Akademio Internacia de la Sciencoj (AIS) San Marino

### Situoj de la sesioj:

- Pedagogia Fakultato de la Karla Universitato, Rettigová 4, Prago (metro: Museum)
- „Hotelo Forum“ kaj la Praga Kongrespalaco troviĝas unu apud la alia (metro: Vyšehrad)

## I. MALFERMO, OFICIALAJ KUNSIDOJ KAJ FERMO

dato	tago	horo	okazaĵo	salono
07-21	dimanĉo	9.30-10.00	komenca senatkunsido	Schmidt <sup>1</sup>
07-24	merkredo	9.00- 9.40	Solena malfermo de la 16-a SUS	Schmidt <sup>1</sup>
07-26	vendredo	9.00-10.00	Forumo pri Akademiaj Rekomendoj	Bácskai <sup>2</sup>
07-26	vendredo	10.00-11.00	Asembleo de la Subtena Sektoro	Bácskai <sup>2</sup>
07-26	vendredo	12.00-12.30	Ekzamenofico (membrokunsido)	<sup>3</sup>
07-26	vendredo	12.30-13.00	Konsulthoroj de la ekzamenofico	<sup>3</sup>
07-29	lundo	17.15-18.00	Sekcikunsidoj	sekcisalonoj
07-30	mardo	17.00-18.00	21-a Ĝenerala Asembleo de la Scienca Sektoro	Boulanger
07-30	mardo	18.00-19.00	Solena fermo de la 16-a SUS	Boulanger

<sup>1</sup> en la „Hotelo Forum“

<sup>2</sup> sur la 3-a etaĝo de la Praga Kongresa Palaco

<sup>3</sup> renkontiĝo antaŭ la salono Bácskai (Kongrespalaco)

## II. SCIENCAJ KURSOJ KAJ PRELEGSERIOJ

(po 1 stud-unuo, kun libervola finekzameneto por enskribiĝintoj)

La komencaj lekcionoj de la SUS-kursoj de OProf. Reinhard Selten kaj de OProf. Ignat Bociort okazos jam antaŭ la inaŭguro de la sesio, nome kadre de la programo de la Internacia Kongresa Universitato (IKU) kiel komunaj kursoj inter AIS kaj UEA (dum la 81-a UK en la kongrespalaco):

- K01 OProf. Reinhard SELTEN dr., Königswinter (D): „Ludoteorio“  
komenco: 21.07 (dim.; salono Lapenna/Kongrespalaco) 14:45-16:15
- F01 OProf. Ignat BOCIORT dr., Berlin (D): „Pri la estetiko de la literatura (beletra) verko. Aktualaj kontroversoj.“  
komenco: 22.07 (lun.; salono Karolo Piĉ/Kongrespalaco) 11:00-12:30

La daŭrigo de la scienca programo ekster IKU kaj la solena fermo, escepte de la kurso de OProf. Selten, okazos tuttempe en salonoj de la Pedagogia Fakultato de la Karla Universitato en Prago, kie troviĝas la ĉefa filio de AIS (Rettigová 4; metroo Museum) kaj enhavos la jenajn sciencajn prelegojn kaj kursojn:

### Kibernetiko (salono Schmidt)

- K01 OProf. Reinhard SELTEN dr., Königswinter (D):  
„Ludoteorio“ (daŭrigo:) 24.07 (merkredo; en la „Hotelo Forum“)  
10:00-11:00, 11:45-12:45, 14:30-16:00, 16:30-18:00
- K02 OProf. Dr. habil. Helmar FRANK, Paderborn (D):  
„Informacipsikologio“, 28.07 (dim.) 14:00-18:00; 29.07 (lun.) 9:00-13:00

### Filozofio (salono Descartes)

- F01 OProf. Ignat BOCIORT dr., Berlin (D):  
„Pri la estetiko de la literatura (beletra) verko. Aktualaj kontroversoj“  
(daŭrigo:) 23.07 (mar.), 25.07 (ĵaŭ.) kaj 26.07 (ven.), ĉiam 9:00-11:00
- F02 OProf. Kjell SELLIN, Espergærde (DK):  
„Logiko kaj ILo“, 27.07 (sab.) 14:00-18:00; 28.07 (dim.) 11:00-13:00;  
29.07 (dim.) 14:00-16:00

### Natursciencoj (salono Galilei)

- N01 OProf. Hans Michael MAITZEN dr., Wien (A):  
„Strukturo kaj evoluo de nia galaksio“, 27.07 (sab.) 16:00-18:00;  
28.07 (dim.) 11:00-13:00, 16:00-18:00; 29.07 (mar.) 9:00-11:00

### Morfosciencoj (salono Gandhi)

- M01 OProf. Dr.habil. Tyburcjusz TYBLEWSKI, Jelenia Góra (PL):  
„Kiel plibonigi la rilatojn kun aliaj sammedianoj“, 28.07 (dim.)  
9:00-11:00, 14:00-16:00; 29.07 (dim.) 9:00-11:00, 14:00-16:00

„Pri la estetiko de la literatura (beletra) verko. Aktualaj kontroversoj.“  
(OProf. Ignat Bociort dr.)

En sistematika kaj praksikologia perspektivo, la preleganto prezentas ĉefajn trajtojn de sia nuntempe en ILo skribata libro „Estetiko de la beletra verko“. Temas ne pri deskriptiva estetiko, sed pri novaj respondoj al ofte debatitaj problemoj de la fako: valoro, majstroverko, estetika progreso, metodo (lernado) en arta kreado, aprecadkriterioj, funkciecaj komponantoj de la verko (temo, ideoj, personoj, komponicio, lingvo ktp.) kaj iliaj rilatoj al la valoro de la tuto: estetiko de la temaro, de la personoj, de la lingvo ktp.

„Ludoteorio“ (OProf. Reinhard Selten dr.)

Unue la difino de ludo en la senco de ludoteorio estos enkondukita kaj surbaze de tio la koncepto de ekvilibro en puraj kaj miksaj strategioj. Aplikoj en ekonomio, socio aj biologio estos priparolataj. La dua parto de la kurso enkondukos en la teorion de koalicifunkcioj kaj ties aplikoj al politikaj kaj ekonomiaj problemoj. Por bone kompreni la kurson oni ne bezonas specialajn matematikajn antaŭsciojn. La lerneja nivelo atingita antaŭ la komenco de universitataj studoj sufiĉas.

„Informacipsikologio“ (OProf. Dr. habil. Helmar Frank):

La informacipsikologio celas sintezon el la humanistika psikologio, kiu uzadas introspektion rezignante al mezurado, kaj la behaviorismo, kiu mezuras reagtempojn kaj aliajn parametrojn de reagoj al stimuloj. Unua rezulto estas la „organigramo“ starigita surbaze de introspekta analizo de la psikostrukturo kaj ebliganta jam antaŭkibernetikajn mezurojn (nundaŭro, forgesadokurboj). La aplikado de la informacimezuro de Shannon post komunikadkibernetika adapto praviĝas pro eksperimentoj, kiuj montras linearan kreskon de la aperceptad- kaj reagtempoj kun la informacio de la stimulo. Esploroj de Riedel havigas facile uzablajn formulojn pri la aĝdependeco de nundaŭro, aperceptad- kaj lernrapidecoj kaj vasteco de la konscio. Esploroj de Weiß kaj Lehr ebligas informacipsikologie precizigi la heredadon de la t.n. inteligenteckvoĉiento. El la informacimezuro eĉ eblas dedukti mezuron de la surprizo kaj ekspliki fenomenojn de la okulfrapeco de la imitado de modelsintenoj.

### III. PRELEGOJ

DEBUTPRELEGO: H<sup>Dp</sup> – AProf. Dr. Werner BORMANN, Hamburg (D):  
„La terminbariero en ekonomiko“  
29.07 (lun.), 16:00-17:00h, salono Komenský

PROJEKTAKCEPTIGA PRELEGO: K<sup>Pp</sup> – ASci. Dr. Evá POLÁKOVÁ, Nitra (SK):  
„Kohereco kaj indenteco de klerigkibernetiko“  
28.07 (dim.), 10:00-11:00h, salono Schmidt

#### LIBERAJ PRELEGOJ:

H-p1 AProf. Dr. Werner BORMANN, Hamburg (D):  
„Interlingvistikaj instrukcioj por Akademianoj“  
29.07 (lun.), 11:00-11:40, salono Komenský

H-p2 ADoc. Dr. Maria BUTAN, Timisoara (RO):  
„Sorto de la vortoj“; 29.07 (lun.), 11:40-12:20, salono Komenský

H-p3 ISKano Günther BECKER, Blieskastel (D):  
„Lingvolernado en la epoko de la satelitoj“  
29.07 (lun.), 12:20-13:00, salono Komenský

N-p1 ADoc. Ulrich ENDER, München (D):  
„Jon-selektivaj elektrodoj“; 28.07 (dim.), 9:00-9:40, salono Galilei

M-p1 ADoc. Mag. Alicja LEWANDERSKA, Gliwice (PL):  
„Arto paroli — oratoriko kaj retoriko“  
27.07 (sab.), 14:00-14:40, salono Galilei

M-p2 ADoc. Dr. Danuta SADOWNIK, Jelenia Góra (PL):  
„Sekso de la menso“; 27.07 (sab.), 14:40-15:20, salono Gandhi

Krome, la unua sekcio de AIS kunorganizas kun la Instituto pri Kibernetiko Berlin e.V. la **komunikadkibernetikan simpozion**, kiu okazos la 30a-an kaj 31-an de julio (marde kaj merkrede) en la Pedagogia Fakultato de Karla Universitato (Rettigové 4). Tie Vi ankaŭ estas ricevebla la koncerna programo.

### IV. LINGVOKURSOJ

Tiu ĉi SUS estas parte (nome la Internacia Kongresa Universitato) kunorganizata kune kun la Universala Esperanto-Asocio, kiu regule dum siaj Universalaj Kongresoj havigas eblecon lerni la lingvon. Tial do ĉi foje, kadre de SUS, AIS ne realigos ILo-lingvokursoj kaj konsilas partoprenon de tiaj dum la 81-a UK.

### V. KANDIDATPRELEGOJ

La finekzameno por kandidatoj, kiuj celas per adapta adopto akiri ĉe AIS la agnoskon de sia akademia nivelo (bakalaŭreco, magistrecio, doktoreco aŭ habilit-doktoreco) okazos la **30-an de julio** (mardo). La interkonsentitaj horoj kaj temoj estos afiŝitaj. La kandidatprelegoj estas publikaj. Skribaj ekzamenoj (inkluzive la kursfinaj ekzamenetoj) okazos lunde. Buŝaj nepublikaj fakekzamenoj okazos laŭ interkonsento kun la ekzamenantoj.

La anoj de la ekzamenofico por la jaroj 1996–1999 (por unuopaj sekcioj) estos:

**Direktoro de la ekzamenofico: OProf. Fabrizio Pennacchietti**  
**Sekretario de la ekzamenofico: ADoc. Joanna Lewoc**

sekcio 1 (Kibernetiko):	OProf. Dr. habil. Reinhard Föbmeier
sekcio 2 (Humanistiko):	Aprof. Mag. Heinrich Dingeldein dr.
sekcio 3 (Struktursciencoj):	OProf. Carlo Minnaja
sekcio 4 (Filozofio):	OProf. Kjell Sellin
sekcio 5 (Natursciencoj):	OProf. Hans Michael Maitzen
sekcio 6 (Morfosciencoj):	OProf. Dr. habil. Tyburcjusz Tyblewski

### VI. KADRA PROGRAMO

La 21-an de julio (dimanĉo) je la 10:00 komenciĝos solena inaŭguro de la 81-a Universala Kongreso en la Kongrespalaco en Prago (salono Zamenhof). Samtage je la 14:00 en la salono Lapenna (Kongresa Palaco) ekiniaŭguros la 48-a Internacia Kongresa Universitato, en kies kadro krom la jam menciitaj prelegoj de OProf. Selten kaj OProf. Bociort, prezentos siajn kontribuojn ankaŭ la AIS-anoj OProf.

Vlastimil Novobilský (23.07, mardo, 9:00-10:00 en la salono Karolo Piĉ) kaj PDoc. Dr. habil Vera Barandovská-Frank (26.07, vendredo, 14:00-15:00, salono Lapenna).

Ankaŭ vendrede (9:00-13:00, salono Bácskai) okazos sinprezentado de AIS kaj ĝiaj diversaj kolektivaj membroj aŭ aliaj kunagantaj kun ĝi organizoj (ekzemple Eŭropa Klubo).

Solena fermo de la 81-a UK okazos sabate (27.07) en la salono Zamenhof.

Merkrede, la 24-an de julio, en la Hotelo Forum (salono Schmidt), dum paŭzoj inter la kursprelegoj de OProf. Reinhard Selten, okazos kromaj jenaj kadraj programeroj (en la prelegsalono):

11:00-11:45 — OProf. Reinhard Selten kaj aliaj aŭtoroj el AIS aŭtogramos siajn librojn. La libroj estos ankaŭ aĉeteblaj ĉe la stando de Akademia Libroservo tuj apud la prelegsalono.

12:45-14:30, 16:00-16:30 — Funkcios ekspozicio de libroj kaj aliaj AIS-aĵoj.

## Kursoj kaj kursfinaj ekzamenoj

La fakajn kursojn kaj prelegseriojn (po 8 studhorojn) dum SUS gvidas efektiva membro de AIS eventuale kunlabore kun adjunktoj de AIS. Enskribiĝintoj al la kurso rajtas postuli oficialan *ĉeestateston*, se ili ĉeestis minimume 3/4-jn (eventuale jam anticipe, se la sama kurso ankaŭ jam anticipe okazis), kaj noton, se ili partoprenis la kursfinan ekzamenon, kiu povas esti skribforma laŭ la metodo de elekt-respondoj aŭ eventuale de liberaj respondoj, se la respondo nur konsistas el nomoj aŭ nombroj, tiel ke la kompreno de ILo sufiĉas kaj propra esprimkapablo en ILo ne necesas.

Ankaŭ pri la *aŭdvidaj kursoj* ofertitaj el la instruteko povas okazi ekzamenoj por kandidatoj, kiuj aŭ estis luprenintaj aŭ aĉetintaj la kurson, aŭ ĝin enskribiĝinte plejgrandparte sekvis dum SUS mem; ĉiukaze atesto nur validas kiel pruvilo de akirita studunujo, se la noto estas minimume 7/10.

*Estas ebla senpaga senekzamena partopreno en la kursoj (necesas nur aliĝkoto).*

Necesas, ke la kandidato antaŭ ol finekzameniĝi estos enskribiĝinta al **minimume 3 kursoj de SUS**, inter kiuj:

- ⇒ minimume unu devas esti el la sekcio, en kiu li kandidatiĝas;
- ⇒ minimume unu devas esti el alia sekcio;
- ⇒ maksimume unu de la tri devigaj kursoj povas esti ILo-kurso.

En almenaŭ unu kurso la kandidato devas partopreni la ekzamenon ricevante minimume la noton 6/10 (aŭ 7/10, se temas pri kurso el la instruteko).

Eblas ripeti la kursfinan ekzamenon.

**Por la fina ekzameno ne estas akceptebla kandidato, kiu neniun SUS-kurson plejgrandparte sekvis kaj per ekzameneto sukcese finis dum la SUS mem.**

*Pro la ĝis nun ne malofta prezentiĝado de kandidatoj al la fina ekzameno sen kompletigi kaj disponigi konforme al la ekzamenregularo ĉiujn necesajn erojn al la ekzamenoficejo, oni*

**! aŭ rifuzos, ke kandidato havigu mankantan eron nur post la publika fina ekzameno**

**! aŭ li pagos superantan la normalan ekzamenkotizon rekompenccon pro la kromlaboro.**

*La senato decidis (vd. la protokolon de la 12a senatkunsido, grkg/Humankybernetik 1989, p.116), ke finan konstaton pri la plenuminteco de ĉiuj kondiĉoj nuntempe necesaj por akiri la agnoskon de sciencista grado ĉe AIS oni ne plu ricevu pli ol du jarojn post la finekzameno. Tiam ekvalidiĝos titol-agnoskoj (akiritaj ekde SUS 6), se eventuale skribe fiksitaj kompletigpostuloj ne estos plenumitaj de la kandidato dum du jaroj.*

Por eviti tiajn malagrablecojn bv. ankoraŭ foje certiĝi, ĉu ĉiuj viaj necesaj por ekzameniĝo dokumentoj troviĝas ĉe la ekzamenoficejo !

## Prelegoj

En ĉiu sekcio la plejmulto de la prelegoj estu en ILo. La partopreno je unuopaj prelegoj (kontraŭe al la partopreno en prelegserioj!) por kandidatoj ne egalvaloras al kurspartopreno. La prelegkunsidoj estas gvidataj de la dekanoj (aŭ vicdekanoj) de la koncerna sekcio aŭ ŝarĝitoj de ili.

♦ Okazontaj (ĉiuj en ILo) **debutprelegoj de novaj profesoroj kaj docentiĝ-prelegoj de estontaj plenrajtaj docentoj de AIS** ne daŭru pli longe ol po 45 (inkluzive diskuton kaj paŭzeton: 60) minutojn.

♦ La egala tempo estas je dispono por **invititaj prelegoj** en ajna oficiala lingvo de AIS kaj por **projektaceptigaj prelegoj** (en ILo) de kandidatoj, kiuj celas estontan *akiron* (ne: adopton) de titolo ĉe AIS.

♦ Ankaŭ de liberaj ISKanoj, t.e. de ISKanoj, kiuj ankoraŭ ne apartenas kiel adjunktoj aŭ efektiva membroj al AIS, **liberaj prelegoj** estas akceptebla fare de la dekanato de la koncerna sekcio. Liberaj prelegoj en ajna oficiala lingvo de AIS ne daŭru pli longe ol po 25, inkluzive diskuton kaj paŭzeton: 40 minutojn.

♦ Kromaj **koncizprelegoj** daŭros po 10–15 (inkluzive demandojn kaj paŭzeton: 20) minutojn en ajna oficiala lingvo de AIS. Ili estas ankoraŭ post la limdato por la starigo de la SUS-programo (eĉ surloke) oferteblaj al la (vic)dekanato aŭ (vic) fakarestro de la koncerna sekcio. Ĉiuj temoj de tiuj kromaj (t.e. en la programkajero ne surlistigitaj) koncizprelegoj estos bontempe afiŝataj dum SUS laŭ la indikoj de la prelegontoj.

Sanmarineca Universitata Sesio (SUS 16) en Prago  
1996.07.21-30/1695 pFR

	sekcio/salono	9.00-11.00	11.00-13.00	14.00-16.00	16.00-18.00
DIMANĈO 1996-07-21	1 Schmidt <sup>1</sup> Lapenna <sup>2</sup>	senatkunsido (9.30-10)		IKU-Inaŭg. (14-14.30) Selten/IKU 1 (14.45-16.15)	
LUNDO 1996-07-22	Karolo Piĉ <sup>2</sup>		Bociort/IKU 2 (11-12.30)		
MARDO 1996-07-23	4 Descartes Karolo Piĉ <sup>2</sup>	F 01 Bociort Novobilský/IKU 3 (9-10)			
MERKREDO 1996-07-24	1 Schmidt <sup>1</sup>	Malfermo (9-9.40) K 01 Selten (10-11)	Libro-aŭtogramoj AL/Akademia Libro- servo (11-11.45) K 01 Selten(11.45-12.45) Libro-ekspozicio kaj AISaĵoj (12.45-14.30)	K 01 Selten (14.30-16) Libro-ekspozicio kaj AISaĵoj (16-16.30)	K 01 Selten (16.30-18)
ĴAŬDO 1996-07-25	4 Descartes	F 01 Bociort			
VENDREDO 1996-07-26	Bácskai <sup>2</sup>	Forumo pri Akademi- aj Rekomendoj (9-10) Asembl./SubS (10-11)			
	Bácskai <sup>2</sup> 4 Descartes Lapenna <sup>2</sup>	Eŭropa Klubo (11-12) ekzamenofico (membrokunsido 12-12.30) (konsultoj 12.30-13) F 01 Bociort		Barandovská-F./IKU (14-15)	
SABATO 1996-07-27	4 Descartes 5 Galilei 6 Gandhi			F 02 Sellin M-p1 / M-p2 /	F 02 Sellin N 01 Maitzen
DIMANĈO 1996-07-28	1 Schmidt 4 Descartes 5 Galilei 6 Gandhi	/ K <sup>PP</sup> N-p2 M 01 Tyblewski	F 02 Sellin N 01 Maitzen	K 02 Frank M 01 Tyblewski	K 02 Frank N 01 Maitzen
LUNDO 1996-07-29	1 Schmidt 2 Komenský 4 Descartes 5 Galilei 6 Gandhi	K 02 Frank N 01 Maitzen M 01 Tyblewski	K 02 Frank H-p1 / H-p2 / H-p3	<i>K<sup>PP</sup> Taf</i> F 02 Sellin M 01 Tyblewski	H <sup>DP</sup> (Bormann) sekcikunsidoj (17.15-18)
MARDO 1996-07-30	Boulanger 1 Schmidt	Kandidatprelegoj Komenco de la ko- munikad-kibernetika simpozio			ĜA/SciS (17-18) Fermo (18-19)

## La salonoj estas nomitaj honore al la jenaj eminentaj personoj:

**BOULANGER, George R. (1909–1982)**

Fondinto (en 1957) de l'Association Internationale de Cybernétique (Namur, B) kaj ties prezidanto ĝis la morto; enkondukis en ĉi tiun asocion 1980 ILon kiel trian laborlingvon, eklerninte ĝin kiel 70-jarulo; vicprezidanto de la Eŭropa Klubo kaj membro de ties iniciatgrupo AIS.

**DESCARTES, René, latine: Renatus Cartesius, (1596–1650)**

„La patro de moderna filozofio“, kiel oni ofte nomas lin, provis ligi filozofion al la natursciencoj aplikante por ambaŭ racian metodon. Li skizis principojn de planlingvo en letero de 1629–11–20 al la benediktana scienculo Mersenne.

**EUKLEIDES de Aleksandrio (ĉ. 300 a.K.)**

Greka matematikisto kaj naturosporo, kiu laboris sub Ptolomeos I ĉe la „Museion“ en Aleksandrio. Lia plej fama verkaĵo estas la libro „Elementoj“, aksioma prezento de la tuta tiama geometrio kaj aritmetiko. Krome li verkis inter alie manualon „Geometria optiko“ kaj aliajn traktaĵojn pri planimetrio, sfero kaj matematika muzikteorio.

**ĜANDHI, Mohandas Karamchand (1869–1948)**

Hinda politikisto, kiu proklamis senarman rebelon kontraŭ la okupadaj trupoj, per manspinado kontraŭ la tekstilaj fabrikoj de Britio, per „salmarŝo“ kontraŭ la brita salmonopolo, per reiro al simpla natura vivoformo, por formi sendependan komunan ŝtaton de hinduoj kaj islamanoj. Li subtenis la ideon de la Internacia Lingvo, kunlaborante kun la svisa sciencisto Edmond Privat.

**ĜALILEI, Galileo (1564–1642)**

Kvankam liaj ideoj troviĝas kadre de la kristana mondkoncepto, la itallingva natursciencisto konfliktis kun la katolika eklezio pro sia verko pri la galaksi-modeloj, en kiu li argumentas por la nova, kies centro estas la suno. Kiel unu el la unuaj sciencistoj li verkis ne plu en la latina lingvo, nekomprenata de pli vasta publiko.

**KOMENSKÝ, Jan A., latine: Johannes A. Comenius (1592–1670)**

La fondinto de moderna pedagogio ne nur teorie, sed ankaŭ praktike kontribuis al sia fako, i.a. per facila lingvoinstrua legolibro. Li proponis la enkondukon de planlingvo kaj la starigon de internacia akademio de la sciencoj.

**SCHMIDT, Hermann (1894–1968)**

Jam en 1941 la germana fizikisto kaj reguladteknikisto prezentis la bazajn principojn de kibernetiko. Ekde ĉ. 1962 li pli kaj pli influis la filozofion de la klerigkibernetiko kaj de aliaj antropokibernetikaj branĉoj.

## Aliĝo

La aliĝkotizon, kiu ĝis la 20-a de junio estas 0,3 AKU = 37,50 DM, bv. pagi:

☛ al la AIS-konto: poŝtgirokonto 2051-305 ĉe poŝtgiro-oficejo Hannover (bank-kodo 25010030)

☛ aŭ ĉeke — senpere al la trezoristo: OProf. B.-A. Wickström, Institut für Finanzwissenschaften, Humboldt Universität, Spandauer Str. 1, 10178 Berlin (tiukaze, bv. *nepre aldoni minimume 0,12 AKU = 15,00 DM — aŭ egalvaloron — pro la bankkostoj.*)

kun nepra indiko: „*Aliĝo al la 16-a SUS en Prago de ...*“, aldonante majuskle Vian NOMON.

**Post la 20-a de junio** (do ankaŭ dum la 16-a SUS) la aliĝkotizo estos 0,5 AKU (62,50 DM aŭ egalvaloron en aliaj devizoj).

Ankaŭ kursgvizoj kaj prelegontoj pagu la aliĝkotizon laŭ art. 3.4 de la kotiz-regularo (la honorarioj pro la gviditaj kursoj, prelegoj kadre de prelegserioj aŭ por tiuj, kiuj estis akceptitaj por la antaŭe presita programo, eniros la servobon-havon de tiu partopreninto post la SUS-sesio).

*Liberigitaj de la aliĝkotizo estas tiuj dumvivaj subtenaj membroj kaj la AIS-studentoj kun la valida studenta legitimilo (ili nepre indiku sian studentan numeron), kiuj aliĝas bontempe, t.e. minimume unu monaton antaŭ la okazigo de SUS aŭ alia studad-sesio de AIS (alokaze krompagendas 0,2 AKU, anstataŭ 0,5 AKU).*

La studenta legitimilo estas akirebla kontraŭ 0,5 AKU. Ĝi validas ĝis la atingo de la indikenda studadcelo, sed ne pli longe ol por 3 plenaj kalendaraj jaroj. Ĝi estas havebla ĉe la senata sekretario A.Doc. Joanna Lewoc ankaŭ dum la sesio mem. Interesitoj bv. havigi al si sian antaŭe aktualan foton.

La aliĝo rajtigas:

☑ senpage partopreni ĉiujn kursojn, prelegseriojn, prelegojn (debut-, docent-ig-, gast-, konciz-, projektakceptigajn kaj liberajn prelegojn), ekzamenigojn kaj oficialaĵojn (la enskribiĝo al kursoj aŭ prelegserioj necesas nur tiam, se oni celas ĉeestad-ateston aŭ ekzamen-partoprenon pri ĝi);

(*enskribiĝkotizo al unu kurso estas 0,3 AKU; partoprenantoj el reformeŭropaj landoj probable ĝuos rabaton dum la 16-a SUS en Prago; ĝi tamen ne koncernas la aliĝkotizon, kiu ĉiam estas 0,3 AKU;*)

☑ ricevi la programkajeron, eventualajn dulingvajn studmaterialojn por SUS kaj fine de la sesio partoprenantliston;

☑ senpage partopreni ĉiujn erojn de la kadra programo, pri kiuj la programo ne indikas pagendan kromkotizon;

☑ ricevi propran insignon, kiu ne nur konfirmas la laŭregularan aliĝon sed ankaŭ ĉi-foje rajtigos Vin partopreni kelkajn komunajn aranĝojn de AIS kaj UEA loke situitaj en la Praga Kongresa Palaco.

**Ĉiu aliĝo (do ankaŭ kurs-, preleg-anonco, kandidatiĝ-aliĝo) estas pritraktebla nur post la alveno de aliĝkotizo!** Komprenoble se la stato de Via servobonhavo ampleksas necesajn sumojn, ne estas bezonata kroma ĝirado (ni aŭtomate deprenos de ĝi necesan sumon); bv. nur indiki tian pagmanieron sur Via aliĝilo!

Bonvolu atenti, ke la aliĝkotizo ne enhavas kostojn por adapta adopto kaj kromaj ekzamenoj, tranokt-kostojn ktp.

## Loĝado

Pri la loĝado bv. mem zorgi. Tiurilate Vi tamen povas ricevi helpon de la ĉeĥa filio de AIS laŭ la adreso: Pedagogia Fakultato de la Karla Universitato, Rettigová 4, fakso: +42/2-24911817, metroo Museum.

## Mono

*Plisimpligcele* kadre de AIS prezindikoj prefere okazu en „Akademiaj Kotiz-Unuoj“ (AKU); 1 AKU estas la laŭeble stabila jarkotizo de la Subtena Sektoro, t.e. momente 125,- DM. Subtenaj membroj same kiel ĉiuj membroj de Internacia Scienca Kolegio (ISK), Internacia Arta Kolegio (IAK) kaj Internacia Teknika Kolegio (ITK) de AIS havas, konforme al la regularo pri kotizoj kaj mastrumado, „servobonhavo“, t.e. AIS-konton, de kiu eblas

- senkoste ĝiri al aliaj individuaj AIS-kontoj aŭ pagi al AIS,
- je 3%-a kosto depreni dum SUS monon en DM aŭ en LIT kaj
- ĝiri al banka aŭ poŝta ĝirokontoj je 5%-a kosto (aŭ senkoste, se temas pri pagendaj fakturoj por varoj aŭ servoj necesaj por agadi favore al celoj de AIS).

Honorarioj estas aŭtomate alkalkulataj al la servobonhavo, pagendaj aliĝ- kaj membro-kotizoj estas aŭtomate dekalkulataj.

Restadkosto dum SUS estas surbaze de fakturoj senkoste pageblaj el la servobonhavo de la partoprenanto, kiu devas bontempe zorgi pri sufiĉa kontostato.

*Ĉe la kongres-oficejo de SUS ne eblas ŝanĝi monon inter la diversaj mونسistemoj !*

## SENATO KAJ SENATAJ OFICOJ 1996–1999

**PREZIDANTO: OProf. Dr. habil. Helmar FRANK**

Kleinenberger Weg 16, D-33100 Paderborn  
tel.: +49/5251-163511, fakso: +49/5251-163533

La prezidanton anstataŭas la vicprezidanto. La prezidanto:

- (1) kunordigas laboron de la senato,
- (2) gvidas la kunsidojn de la senato kaj de la Ĝenerala Asembleo,
- (3) enregistras kaj publikigas (kune kun la direktoro de la ekzamenofico) la agnoskitajn sciencistajn gradojn kaj titolojn,
- (4) kontrolas (kune kun la vicprezidanto) la plenumitecon de la kondiĉoj por rangoplialtigo,
- (5) subskribas kaj stampas la dokumentojn pri alvoko aŭ agnosko de sciencista grado,
- (6) iniciatas kaj flegas novajn kontaktojn al eksteraj institucioj kaj elstaraj personecoj.

**VICPREZIDANTO: OProf. Fabrizio PENNACCHIETTI dr.**

Via delle Rosine, 10, I-10123 Torino  
tel.: +39/11-8178242, fakso: +39/11-8171053  
retnumero: pennacch@rs950.cisi.unito.it

La vicprezidanto ne havas anstataŭanton (en la kazo de bezono transprenas liajn taskojn la prezidanto). La vicprezidanto estas direktoro de la Scienca Sektoro (SciS) kaj estro de la Internacia Scienca Kolegio (ISK). Krome li

- (1) kunordigas laboron de la dekanaro
- (2) akceptas (kune kun la prezidanto) novajn — komence liberajn — ISKanojn,
- (3) instigas kune kun la dekanoj al plenumo de kondiĉoj por rangoplialtigo,
- (4) kontrolas kune kun la dekanoj la enhavon de ISD,
- (5) proponas al la prezidanto legitimajn rango-plialtigojn de ISKanoj kaj
- (6) postulas protokoladon de sekcikunsidoj kaj elektadon de dekanoj kaj vicdekanoj.

**SENATANO PRI FINANCOJ, DIREKTORO DE LA FINANCA OFICO  
KAJ TREZORISTO: OProf. Bengt-Arne WICKSTRÖM dr.**

Institut für Finanzwissenschaft, Humboldt Universität,  
Spandauer Str. 1, D-10178 Berlin  
tel.: +49/30-20935655, fakso: +49/30-20935726  
retnumero: wick@wiwi.hu-berlin.de

— *Vicdirektoro: OProf. Dr. habil. Helmar FRANK* —

La financofico

- (1) utiligas la AIS-kontojn,
- (2) kunlaboras kun la landaj aŭ regionaj sekcioj kaj asocioj pri financaj aferoj,
- (3) admonadas la pagon de pagendaj kotizoj,
- (4) varbas novajn subtenajn membrojn,
- (5) faras kaj kontrolas investojn,
- (6) administras la fondusojn kaj pruntojn,
- (7) administras la servobonhavojn,
- (8) zorgas pri la librotenado,



- (9) starigas la spezkalkulon kaj la bilancon laŭeble ĝis la marto de la sekvanta jaro,
- (10) proponas al la ĜA la buĝeton por la sekvanta jaro kaj kontrolas ties plenumon,
- (11) proponas al la Asembleo de la Subtena Sektoro la AKU-valoron,
- (12) serĉadas novajn financajn rimedojn,
- (13) kunlaboras kun la revizoraro,
- (14) luprenas aŭ aĉetas buĝetkonforme laborlokojn (buroojn, kunvenejojn, instruejojn),
- (15) kontraktadas kun landaj sekcioj aŭ asocioj aŭ kun aliaj eksteraj (precipe: jure memstaraj) organizoj pri eventuala transprenado de havaĵoj kaj taskoj de AIS.

**SENATANO PRI PROTOKOLADO, DIREKTORO DE LA PROTOKOLOFICO  
KAJ SENATA SEKRETARIO: ADoc. Mag. Joanna LEWOC**

Kleinenberger Weg 16 b, D-33100 Paderborn  
tel.: +49/5251-16350, faknumero: +49/5251-163533  
retnumero: blewo1@pbhrzc.uni-paderborn.de

— *Vicdirektoro: OProf. Horst S. HOLDGRÜN dr.* —  
Mathematisches Institut, Bunsenstr. 3-5, D-37073 Göttingen  
tel.: +49/551-397764, faknumero: +49/551-392985  
retnumero: holdgrun@uni-math.gwdg.de

**La protokoloŝico**

- (1) daŭrigas kaj konservas la protokolojn de la ĜA kaj de la senato,
- (2) zorgas pri la publikigado de ĉi tiuj protokoloj kaj de tiuj de la asembleo de SubS,
- (3) daŭrigas kaj konservas la registron de la studadsesioj de AIS (datoj, lokoj, kursoj),
- (4) starigas kune kun la dekanoj la SUS-programon,
- (5) administras kune kun la trezoristo la SUSojn,
- (6) transprenas la rutinan korespondadon.

**SENATANO PRI EKZAMENOJ KAJ DIREKTORO DE LA EKZAMENOFICO:  
OProf. Fabrizio PENNACCHIETTI dr.**

Via delle Rosine, 10, I-10123 Torino  
tel.: +39/11-8178242, faknumero: +39/11-8171053  
retnumero: pennacch@rs950.cisi.unito.it

— *Vicdirektoro: OProf. Carlo MINNAJA dr.* —

**La ekzamenofico**

- (1) antraŭpriraktas kandidatiĝojn,
- (2) korespondas kun la kandidatoj kaj eventuale kun ekspertizantoj,
- (3) starigas la unuopajn ekzamenkomitatojn kune kun la koncernaj dekanoj,
- (4) organizas la ekzamenojn kune kun la koncernaj dekanoj,
- (5) zorgas pri la starigo kaj havigo de la atestoj, pri la enregistriĝo kaj pri la dokumentoj kaj
- (6) konservas la ekzamenaktojn.

**SENATANO PRI LA AKADEMIA STRUKTURO KAJ DIREKTORO DE LA  
STRUKTUROFICO: OProf. Dr.habil. Tyburcjusz TYBLEWSKI**

ul. Bartka Zwyciezcy 11/1, PL-58-500 Jelenia Góra, tel.: +48/75-23112

— *Vicdirektoro: OProf. Hans Michael MAITZEN dr.habil.* —

**La strukturofico**

- (1) observas la agadon de la regionaj kaj landaj asocioj, kolektante protokolojn ktp.,
- (2) kunordigas la kunlaboron de AIS kun landaj/regionaj asocioj en la filioj,
- (3) kontraktas pri klerigejoj de AIS kaj kontrolas la kontraktplenumadon,
- (4) prizorgas la Artan kaj Teknikan Sektorojn,
- (5) zorgas pri laŭbezona nomumado de (vic)dekanoj kaj fakar(vic)estroj kaj
- (6) administras aŭ administrigas lokajn instituciojn aŭ akademidomojn.

**SENATANO PRI STUDADO KAJ DIREKTORO DE LA KLERIGOFICO:  
OProf. Hans-Dietrich QUEDNAU dr.**

Forstwissenschaftliche Fakultät, Hohenbachernstr. 22  
D-85354 Freising-Weißenstephan  
tel.: +49/8161-714765, faknumero: +49/8186-714767  
retnumero: quednau@cip.forst.uni-muenchen.de

— *Vicdirektoro: OProf.Dr.habil. Reinhard FÖSSMEIER* —

**La klerigofico**

- (1) daŭrigas la liston de la studentoj kaj donas studentajn legitimilojn,
- (2) prizorgas la instrutekon,
- (3) zorgas pri la plievoluigado de la studadplanoj de AIS,
- (4) zorgas kune kun la senatano pri protokolado pri la dokumentado de (SUSecaj kaj aliaj) studadsesioj kaj atestoj kaj
- (5) kontrolas kursojn kune realigataj en klerigejoj de AIS.

**SENATANO PRI ESPLORADO KAJ EVOLUIGADO KAJ DIREKTORO  
DE LA SCIENCOFICO: OProf. Carlo MINNAJA dr.**

Dipartimento di Matematica Pura ed Applicata, Via Belzoni 7, I-35131 Padova  
tel.: +39/49-620198, faknumero: +39/49-8758596  
retnumero: minnaja@pdm1.unipd.it

— *Vicdirektoro: OProf. Horst S. HOLDGRÜN dr.* —

**La sciencofico**

- (1) instigas al sciencaj kunlaborprojektoj sub la tegmento de AIS,
- (2) kontrolas la realigadon de tiaj kunlaborprojektoj,
- (3) konsilas pri ilia administradmaniero,
- (4) kontrolas ilian taŭgan dokumentadon kaj
- (5) reprezentas la akademion en la (kun-)okazigado de sciencaj konferencoj.  
Dum la senata deĵorperiodo 1996-1999 la senatano pri esplorado kaj evoluigado flegadas krome
- (6) la kontakton de AIS al la registaraj instancoj de la Respubliko de San Marino.

**SENATANO PRI PUBLIKAJ RILATOJ KAJ INFORMADO KAJ DIREKTORO  
DE LA INFORMOFICO: OProf. Dr.habil. Reinhard FÖSSMEIER**

Dollmannstr. 19, D-81541 München 90  
tel. kaj fakso: +49/89-6518661  
retnumero: refo@ixos.de

— *Vicdirektoro: OProf. Hans Michael MAITZEN dr.habil.* —

La informofico

- (1) nomumas kontaktpersonon al la organizoj de la Esperanto-Movado (la kontakton al UEA flegadas dum la deĵorperiodo 1996-1999 vicdirektoro Maitzen),
- (2) zorgas pri la kontaktoj al eŭropaj kaj internaciaj institucioj,
- (3) zorgas pri la publikigo de ISD kaj de la AIS-regularoj (dum la deĵorperiodo 1996-1999 kunlabore kun la senatano pri akademia identeco),
- (4) propagandas verkaĵojn el AIS kaj la „Acta Sanmarinensia“
- (5) transprenas la informadon de la gazetaro,
- (6) kontrolas enhave kaj formale la „Acta Sanmarinensia“,
- (7) flegas la kontakton al Akademia Libroservo,
- (8) serĉadas alvokindajn scienculojn,
- (9) varbas studentojn, kandidatojn kaj partoprenantojn por SUSoj kaj
- (10) zorgas pri la marketingo de AIS (oferto de AIS-aĵoj ktp.).

### SENATANO PRI HONORADO KAJ DIREKTORO DE LA HONORADOFICO: OProf. Hans Michael MAITZEN dr.habil.

Institut für Astronomie, Türkenschanzstr. 17, A-1180 Wien  
tel.: +43/1-4706800-DW, faksnúmero: +43/1-470680015  
retnumero: maitzen@astro.ast.univie.ac.at

— *Vicdirektoro: OProf.Dr.habil. Tyburcjuż TYBLEWSKI* —

La honoradofico

- (1) pledas kaze de misuzado de titoloj aŭ de honoraj rajtoj,
- (2) proponadas honorindajn personojn,
- (3) preparas honorajn ceremoniojn,
- (4) prizorgas la solenajn malfermojn kaj fermojn de SUS,
- (5) zorgas pri aligoj al ArS kaj TeS,
- (6) prizorgas la Premion Pirlot,
- (7) prizorgas la decan memorigon de mortintoj en ISD kaj
- (8) zorgas pri digna interna komunikado kaj eksterna sinprezentado de AIS.

### SENATANO PRI AKADEMIA IDENTECO KAJ DIREKTORO DE LA IDENTEC OFICO: OProf. Dr.habil. Helmar FRANK

Kleinenberger Weg 16, D-33100 Paderborn  
tel.: +49/5251-163511, faksnúmero: +49/5251-163533

— *Vicdirektoro: OProf.Dr.habil. Tyburcjuż TYBLEWSKI* —

La identecofico

- (1) enarkivigas la plenajn protokolibrojn,
- (2) dokumentadas la AIS-historion,
- (3) observadas la plenumadon de la regularoj kaj de decidoj,
- (4) zorgas pri flegado kaj aktualigo de AIS-tradicioj,
- (5) prizorgas la okazigon de la Akademia Forumo dum SUS kaj
- (6) zorgas pri la plievoluigo kaj prezentado de la rekomendoj kaj doktrino de AIS.

### Invito al la Asembleo de la Subtena Sektoro

Plenumante la artikolon 16 de la Statuto, la artikolon 8.2 de la Apendico al la Statuto kaj la artikolon 9.3 (Organizaj regularoj por SUS) de la provizora Regularo pri la instruado kaj studado ĉe AIS mi kunvokas la Asembleon de la Subtena Sektoro de AIS al ties kunsido, kiu okazos vendredon, la **26-an de julio 1996**, 10.00-11.00h en la salono Bácskai, B1 (3-a etaĝo de la kongresa Palaco Praha).

#### Tagordo:

1. Formalaĵoj (ĉeestanteco, laborlingvoj, protokolo, tagordo, ĉeestrajto, kvorumeco).
2. Ĝenerala raporto pri 1995 kaj 1996
3. Financa raporto; decido pri senŝarĝigo de la trezoristo; buĝetoj 1996 kaj 1997; disa librotendado por la SubS
4. Decidoj pri proponoj skribe alvenintaj plej malfrue 24 horojn anticipe.
6. Kompletigaj elektoj de la nova estraro por la jaroj 1996-1999.
7. Diversaĵoj: membrovarbado, Paderborn-Novembra Renkontiĝoj 1996 kaj 1997, k.a.

Paderborn, 1996-07-16/1695pfr

Anstataŭante la estraron:  
la prezidanto, OProf. Dr. habil. H.Frank

### Invito al la Ĝenerala Asembleo

Plenumante la artikolon 8 de la Statuto, la artikolon 8.2 de la Apendico al la Statuto kaj la artikolon 9.4 (Organizaj regularoj por SUS) de la provizora Regularo pri la instruado kaj studado ĉe AIS mi kunvokas la Ĝeneralan Asembleon de la Scienca Sektoro de AIS al ties 20-a kunsido, kiu okazos mardon, la **30-an de julio 1996**, 17.00-18.00h en la salono Boulanger, Pedagogia Fakultato, Rettigové 4, Prago.

#### Tagordo:

1. Formalaĵoj (ĉeestanteco, protokolo, tagordo, ĉeestrajto, kvorumeco).
2. Ĝenerala raporto de la Senato.
3. Financa raporto, senŝarĝigo de la Senato 1991-1995, buĝeto.
4. Decidoj pri proponoj de la Senato kaj pri aliaj proponoj skribe alvenintaj plej malfrue 72 horojn anticipe kaj legeblaj en la SUS-akceptejo almenaŭ 24 horojn anticipe.
5. Kromaj tagordaj punktoj eventuale deciditaj dum la tagorda punkto 1.
6. Elektoj de vicseĝatanoj 1996-1999.
7. Diversaĵoj.

Paderborn, 1996-07-16/1695pfr  
La prezidanto: OProf. Dr. habil. H.Frank

*Stato: 1996-07-17/1695pfr*

*La distribuo de materialoj aŭ la afiŝado kie ajn tio povus kaŭzi la impreson de aprobo fare de AIS bezonas la antaŭan permeson de la (vic)prezidanto aŭ de la direktoro de la Subtena Sektoro. Ekzistas speciala afiŝejo por tia agado de SUS-anoj. Dum la sesio bv. sekvi la plej aktualajn sciigojn de la deĵoranta sekretariejo de la sesio afiŝotaj sur tiu ĉi informtabulo.*

© Kopirajto: AIS. Ĉiuj eroj de ĉi-tiu programkajero estas libere represblaj fare de ĉiuj.

*Prezo de la programo: 0,02 AKU*